

10. Lectores qui ad Provinciam Italiae mittantur a Magistro, cum facultate legendi, aut designati fuerint in aliqua illius Provinciae lectione omnino declaramus habiles, ut rite probatis eorum annis, & lectione curriculum in praefata Italiae Provincia peractis gradus obtinere valeant in propriis.

## CAPUT V.

## De Magistro Studentium.

1. Ubertatem literarii fructus desiderantes, ne in defectu culturae languescat, hac de causa decernimus, ut in qualibet domu, vel Collegio ad disciplinam Theologiae designatis praeter tres Lectores praedictos, alius constituatur, qui sit Magister studentium, ad quod munus nullatenus assumatur, nisi jam per triennium lectionem artium laudabiliter impleverit, ut ulterius in oppositionibus generalibus pro lectione Theologiae per unam horam lectionis, alteramque argumentorum legitime decertaverit, simulque approbatus fuerit, & ut talis in Provinciae libro susceptus.

2. Hujus autem sit munus indispensabile omnibus Theologiae conferentis assistere, & alternatim cum singulis Theologiae Lectoribus eorum materiis & opinionibus praesidere, quorum sensui, & iudicio in illis defendendis acquiescere, & consentire debeat. In conclusionibus vero Sabbati, & extra Ordinem, eandem vicem praesidendi, & arguendi cum praedictis Lectoribus fortitur. Horis studio designatis diligenter visitet Auditores, & si quos negligentes invenerit, Regente non adstante, puniat, aut puniri faciat.

3. Praeterea omnibus diebus feriatis intra curriculum dubium, vel quaestionem literalem Sacrae Scripturae, eodem more, & forma qua solet casus conscientiae proponat, ad quam omnes de Schola conflant, & pro libito Magistri studentium respondeat objectis unus de studentibus ab eo designatus, cui praesideat ipse, & tandem resolvat dubium.

4. Qui sic ergo in hoc munere fuerit plausible operosus omnes annos pro gradibus promoverendis comparet, tam si revera eos legendo peregrisset, modo procedat informatio legitima de illis prout de reliquis Lectoribus fieri constituimus. Praeter hoc autem jus habeat ad primam lectionem, quae proxime vacaverit in Conventu, aut Collegio, ubi munus istud obierit, eisdemque gratis, & exemptionibus gaudeat, quibus ceteri Lectores actuales Theologiae.

5. Et licet pro studiis artium Magister studentium semper fuerit haec solitus institui, de cetero praecipimus, ut tantum designetur in domibus artium studio destinatis absque ulla prorogatione a Choro, & Altari exemptione.

## CAPUT VI.

## De Magistris, &amp; Praesentatis.

1. In qualibet Provincia non plures, quam duodecim Magistros Theologiae suscipimus, neque amplius, quam 24. Praesentatos de lectione. His autem gradibus quos de numero dicimus neminem insigniri liceat, nisi qui exacte, & legitime omnia illorum merita, & requisita com-

pleverit, pro ut in his Constitutionibus ordinantur.

2. Quo circa praesenti Constitutione enixe observari praecipimus Decretum Capituli Generalis Optensis a SS. D. N. Innocentio XI. confirmatum: quod nullus ad gradum Praesentaturae de lectione promoveri valeat, nisi decursis integreque peractis 8. annis lectione actualis inclusi pariter quos forsitan egerit in Magisterio studentium, ita ut jam per triennium unam ad minus artium lectionem compleverit; reliquis autem Theologiam sacram ad octavum usque docuerit, aut Magister studentium extiterit. Similiter etiam quod nullus ad Magisterium assumatur nisi ultra praedictos octo annos, alios septem in S. Theologiae lectione consumpserit.

3. Lectorem autem illum qui de licentia Ordinis, in universitate approbata oppositionem fecerit, & in ea Cathedram obtinuerit, ubique praedictos annos is tam in artium lectione, quam Theologiae ex toto, vel parte peregerit, nulla ratione excludimus, imo gratius admittimus, & approbamus idoneum ad gradum Praesentaturae, & Magisterii obtinendos, perinde ac si praedictos annos intra Ordinem complevisset.

4. Pari modo constituimus praemissos annos, debere esse completos, singulisque materiis, & curriculum respondentes. Itaque unus annus non possit complecti duos cursus, tam Theologiae, quam artium. Quod si aliter eveniat, eos nequaquam ad surreptionem graduum pro merito computamus.

5. Ut ergo omnium annorum lectione cujuslibet legitima ratio habeatur, eorum probationes, & informationes immediate fieri constituimus in actu visitationis ab ipsis Provincialibus, vel visitatoribus, ita scilicet, ut primo fiant privatim in scrutinio secreto, & deinde publice per testimonia sanioris partis Conventus. Quod si ad istas authentice conficiendas Provinciali, aut Visitatori tempus in visitatione deficiat, ille tantum, & non Visitator relinquat, aut mittat commissionem Religioso sibi probato, & idoneo, qui eas ut praedicitur perficiat.

6. Ille vero ita legitime factae debent praesentari Diffinitorio Capituli Provincialis, & ibidem examinari, & pariter cum secreta informatione conferri, quam Provincialis, aut Visitator in visitatione susceperit, ut ex ista, & illis fiat a Diffinitorio iudicium, cujus est privative informationes intra Capitulum, easque probare, & repellere.

7. Ipsas insuper fieri decernimus de triennio in triennium in singulisque Capitulis praesentari, quod si haec praesentatio ultra unum Capitulum protrahatur maneat irrita, annique lectione non computentur ad provisionem graduum. Statuimus praeterea, non quamlibet informationem huiusmodi approbationem a Diffinitorio Capituli factam sufficere, ut quis maneat expositus, aut jure promotus ad gradum aliquem obtinendum. Illa ergo tantum esse volumus declarationem ad expositionem gradus sine dispensatione requisita.

8. Unde cum ex Decreto Pauli V. huiusmodi expositio, seu praesentatio semper fieri debeat in vacatione determinata per Diffinitorium Provinciale intra Capitulum Provinciale congregatum, ad quod privative attinet, & ex hoc necessario sequatur gradus extra Capitulum vacantes, usque ad aliud proxime futurum manere suspensos; idcir-

circo ne pro his dilationibus quidquam incommodi Provincia sustineat, consulto, & deliberate statuimus, ut praedicto Diffinitorio liceat intra Capitulum hanc facultatem exponendi, seu praesentandi ad gradus, quemcumque ex approbatione a se ipso Magistro Generali cedere, ut ex ipsis extra Capitulum Provinciale exponat quem maluerit.

9. Ex eodem Pauli V. Decreto ad Magistrum Generalem loco, & vice Capituli Generalis, quoslibet supra dicto modo expositos ad gradus promovere, eosdemque in ipsis confirmare privative pertineat. Qua etiam facultate gaudere volumus Priorem Barchinonae, aut alium, qui tempore vacationis Magistratus in Vicarium Generalem totius Ordinis successerit.

10. Ordinamus ulterius, ut praedicta requisita ex parte promovendi ad gradum Praesentaturae, vel Magisterii minime suppleri valeant per alia merita, & exercitia, vel obsequia Religioni praestita, cujusvis ea qualitatis extiterint, quod si quis in posterum praefatis absque requisitis, & conditionibus, tales gradus susceperit, eos irritos, nulliusque roboris declaramus.

11. Nec gradum ejus, qui etiam per longum tempus a Provincia discesserit (nisi forsitan maneat adoptatus in alia) mox quasi vacantem cuiquam providere, vel eum quovis modo in numerum subrogare. Si quis tamen gradum ita susceperit, nullitati, & privationi vocis activae, & passivae illum de facto subijcimus.

12. Praeter dicta vero duodecim Magisteria de numero, & lectione & viginti quatuor Praesentaturas, etiam de numero, & Cathedra, alias etiam sex Praesentaturas pro Praedicatoribus admittimus, quas dicimus de Pulpito, de quibus inferius capite de Praedicatoribus est dicendum, extra praefatos etiam gradus, quos Fratribus ex eo, quo, & pro suo munere laborantibus impertimur. Si quis gradum aliquem per Breve Sedis Apostolicae obtinere voluerit, nunquam id intendat, nisi de licentia Magistri, nec ea obtenta gradum assequi valeat, quin prius ejus narratio in Diffinitorio Provinciali examinetur, & ibidem de subreptione, & obreptione fuerit ab omnibus absoluta, omnique vitio pura iudicetur.

13. Deinde vero ut quis ad collationem, & confirmationem praedictorum graduum, de gratia perveniat firmiter constituimus, ut juxta praedictam Bullam Innocentii XI. sepius relatam necessario, & inviolabiliter sufficienter illius rigorosum, & praevium fiat examen, exponendo scilicet per unam horam punctum aliquod, seu quaestionem Theologiae Scholasticae, Moralis seu Expositivae ante horas 24. a se pro libito electam, ex tribus sibi sorte propositis, ex Magistro sententiarum, aut ex Sacris Bibliis, & per aliam horam expositis argumentis satisfaciatur. Quae omnia fieri debent solemniter in concursu publico coram Provinciali, qui deinde cum duobus saltem Magistris de numero, & totidem Praesentatis de numero, & Cathedra ad approbationem promovendi per secreta suffragia procedat, & juxta eorum majorem partem admittatur, vel reprobetur.

14. Eos tamen ab hoc examine excipimus qui jam alias ex merito lectione fuerint approbati a Capitulo Provinciali ad praedictos gradus, vel saltem jam praefatum examen subierint in publicis oppositionibus ad lectionem Theologiae, & ad

illam pariter manserint approbati.

15. Omnes Magistri, & Praesentati, quos de numero, seu lectione praedictis vocem habeant in omnibus actibus, & electionibus Capituli Provincialis, praeterquam in ejus diffinitorio, nisi alioquin ibi ea gaudeant ex munere. Magistris tribuatur socius, qui ad commune Conventus servitium non deputetur, & per eundem e domo egredi volentes licentiam a Commendatore petant. Ultra communem, duas pro se missas in hebdomada celebrare poterunt super communis refectiois mensuram, ejus medietatem illis ubique superaddimus, ipsos item ab omni officio altaris absolvimus, nisi in festis, & solemnitatibus praecipuis, neque in tabula hebdomada ad aliquod munus designari possint.

16. Quantum vero ad residentiam in Choro istdem Magistris denunciamus eos vi gradus specialiter esse ad studium S. Theologiae Scholasticae, Moralis, Mysticae, vel Expositivae destinatos, juxta quas tum scribendo, tum concionando, tum confessiones audiendo, debent populos instituire, ad quorum profectum sunt vere facti, & appellati Magistri; quapropter dum huiusmodi laboribus specialiter, actu, & assidue pro suo munere intenderit, eos quantum ad Chorum eisdem lectionum actualium gaudere immunitatibus declaramus. Praesentati vero ultra communem missam alteram pro se celebrare valeant in hebdomada, & eos pariter ab officio Altaris absolvimus. In reliquis autem servetur omnibus graduatis tam de lectione, quam Pulpito rationabilis consuetudo Provincialium a Capitulis Generalibus approbata, & praeter illam & praefata nulla ipsis alia privilegia permittimus.

17. Super quibus insuper declaramus Magistros, & praesentatos de gratia, modo dicto creandos in his quoque respective privilegiis, & immunitatibus contineri, ita tamen, ut quantum ad locum, Praesentati de gratia sint posteriores Praesentatis omnibus de lectione, & Pulpito, quos dicimus de justitia. Circa Magistros autem pariter ex gratia institutos observari praecipimus Decretum Capituli Generalis Optensis a SS. Innocentio XI. confirmatum videlicet in hac forma: Quod nullus ad seriem Magistrorum de numero ascendat, quin imo nec Praesentatis de lectione locum auferat, sed illis sint ubique posteriores, & immediate sedeant ante Praesentatos de Pulpito; excipimus tamen illos, qui ex praesentatura de Cathedra, & numero sint ad Magisterium assumpti, quos ad Ordinem etiam Magistrorum de lectione referri decernimus, ita ut locum post eos omnes immediate semper obtineant.

## CAPUT VII.

## De forma graduandi Magistros, &amp; Praesentatos.

1. Cum ex concessione SS. Alex. VII. Magister Ordinis per se vel alium a se subrogatum facultatem habeat promovendi suos Fratres ad gradus Doctoris, & Baccalarii, sicut in qualibet Universitate approbata, ideo constituimus, ut ipse pro confirmatione, seu collatione Magisterii, designet aliquem (si per se non conferat) ex Magistris jam confirmatis, & graduatis in promotorem ad talem gradum sub forma constitutionis istius conferendum, a quo promovendus in Magistrum gradum Doctoris Theologiae solemniter recipiat intra quatuor menses a receptione



## CAPUT X.

## De totius Ordinis, Provinciarumque Historiographis.

1. Agnoscetes utilitatem historię, quę antiquorum Patrum exemplis presentium sępe mores effraetos instituunt, propterea ordinamus ut in Capitulo Generali, quoties opus fuerit eligatur, vel confirmetur unus historiographus, pro toto Ordine, qui omnes res ejus, & gesta, vitęque, pręcipue Venerabilium Patrum, pręcellentiumque virorum memorię tradat, atque inceptam sęper historiã novis voluminibus, & tractatibus adaugeat, similiter, & in qualibet Provincia, alius etiam in ejus Capitulis Provincialibus nominetur, qui totius provincię res fideliter referat, & digerat, unde, & generalis historiographus totius Ordinis historiã concinnare valeat.

2. Volumus autem, ut qui nominati fuerint ad officium hujusmodi sint ad illud genio, naturęque facilitate proclives, sacris etiam, & humanis literis pręstantes: ante collationem muneris æquum erit, ut a Provinciali, aliisque viris rerum experimentum fiat, ut cum discretionē eligatur, qui proposito, & intentione utilior videatur, & commodior.

3. Dum ergo Generalis Cronographus hoc in opere laboraverit, Fratrem amanuensem sęper apud se habeat, ab omni Conventus onere liberum, Oleum etiam, papyrus, & cętera suo muneri necessaria ei a Pręlato tribuantur, si non fuerit Magister, gaudeat, quo ad victum, mensuram, & portione Magistri, si autem Magister existat eadem victus ratio designetur ei, quam Patribus Provincię pręfiximus.

4. Expensę vero, quibus pro scriptis Pręlato mandandis indigeat, illi inviolabiliter conceduntur ab Ordine: juxta Magistri Generalis dispositionem, cui enixe suademus, ut totis viribus omnia, quę super hoc fuerint elaborata, sęper juris comiti contendat. Duas insuper missas, pręter indulgentiam a Constitutione Generali Chronographo perpetuo concedimus in singulis septimanis.

5. Historiographus autem Provincię, si propriam, & specialem historiã Provincię ordinare, & accedere constituat, id fiat expensis Provincię, nisi eas aliunde ipse, vel Pręlati provideant, quod si non faciat mittat singulis annis ad Magistrum Ordinis universa, quę digna relatu invenerit, & elaboraverit, ut generalibus chronicis inserantur.

6. Immunitates, quibus gaudere debet sint una Missa pręter communem in singulis septimanis, oleum, papyrus, reliquaque, ad scribendum necessaria, & tandem partes Magistri quoad victum.

## CAPUT XI.

## De Bibliothecario.

1. Cum Bibliotheca sit communis disciplina fratrum, & officina literarum, unde quis pręter inopiam de omnibus edoceri valeat, eam quantum fieri possit omnibus facultatem pręcipimus esse instructam, maxime vero in domibus studiorum, Pro custodia autem, & cultura illius fratrem unum pervigilem, & libris omnino deditum constituat Pręlatus, cui omnino Bibliotheca,

ca, & librorum numerus tradatur, de quibus cum postulatus fuerit, rationem reddere debeat. Ad hoc vero fiat duplex inventarium, quorum alterum in Conventu depositum includatur, alterum vero apud ipsum maneat Bibliothecarium, itaut in fine utriusque, & quotiescumque librorum mutatio fiat in qualitate, vel numero subscribat sęper Pręlatus cum depositariis, & Bibliothecario.

2. Huic ergo Fratri subjungimus, ut librorum species, sic discretis componat ordinibus, ut sęcundum diversitates facultatum sint ad invicem separati, qui pertineant ad unam scientiam, & facultatem simul in uno, vel pluribus pluteis per suas cellas, & ordines componat titulo facultatis desuper addito, & signatis voluminibus propriis numeris, ut per eos facile inveniantur in tabula.

3. Pręterea studere debet, ut pro nitore, & munditia librorum fenestras contra pluviam, & ventum pręcludantur, ut locus everratur frequenter, & e voluminibus pulvis, & tinea sępe numero excutiantur, clavis Bibliothecę servetur sęper apud ipsum, sitque perpetuo paratus ad illam aperendam studere volentibus, & ibi interrim assistendum per se, vel fidelem Socium sibi creditum, & a Pręlato designatum, nec quicquam alius specialem clavem obtineat pręter Bibliothecarium.

4. Ipse ulterius in id maxime incumbat, ut non solum libri non pereant, sed potius ut in dies accrescant, omnium illorum ita debet esse conscius, & pręcipuos sãtem in aliqua facultate sęper comparari curet, quod quidem commutatis, aut venditis libris duplicatis fieri poterit. Cęterum cum id agi oporteat nunquam exequatur pro libito nisi cum assensu Commendatoris, & Provincialis in scriptis.

5. Sed ut omnis nostri Ordinis Bibliotheca fideliter conservetur, librique ulla negligentia decreverit, vel disperdi nequeant; pręcipimus, in virtute Spiritus Sancti & Sanctę Obedientię, sub poena excommunicationis majoris ipso facto incurrenda, ut nullus Frater cujlibet qualitatis, aut conditionis extiterit possit, nec audeat librum, aut libros, quoscumque, vel quolibet excogitabili prętextu, seu causa ex Bibliotheca extrahere, nec adhuc valeant Pręlati facultatem concedere sub eisdem poena, & pręcepto.

6. Qui vero Frater libros sibi ad usum concessos communi Bibliothecę tradere voluerit, poterit libere, ex ipsis dumtaxat aliquem, seu quos velit pro suo studio deducere. In Conventibus autem exiguis, ubi pauci fuerint libri, eos Pręlatus in sua Cella custodiat, de quibus poterit tradere quos Frater aliquis ad studendum postulet; relicta tamen memoria in Chirographo, ut eos debito tempore reddat.

7. Ut denique Bibliothecarius pręmissa omnia diligentius expleat, illumque sui muneris nunquam tædeat, ordinamus, ut omni tempore, quo illud obierit, si non fuerit Pręsentatus gaudeat omnibus gratiis, immunitatibus, & exemptionibus Pręsentati, pręter vocem, & locum. Si vero Pręsentatus existat, omnia pariter privilegia illi concedimus, quibus Magistri fruuntur excepto loco dumtaxat.

DIS.

## DISTINCTIO SEPTIMA.

## De Electionibus ad officia, &amp; Potestatibus Electorum.

Ordinis vineam essentialibus jam disciplinam institutam, Fratribusque quasi vitibus plantatis pœnarum vallo munitam, & literarum, torculari instructam nunc tradimus Religiosis agricolis, quos in Pręlatos assumimus, ut apti adhibita regiminis cultura fructum ejus Domino deferant tempore opportuno.

## CAPUT I.

## De Capitulo Generali, ejusque tempore, &amp; convocatione.

1. Magistri Generalis officium in Ordine nostro non amplius, quam sex annorum spatio concluditur, itaut illud nunquam perpetuari liceat, sicut decreto Gregorii XIII., & Motu proprio Sixti V. pręcipitur, neque rursus, qui vicem suę alternationis inferius declaranda per sexennium expleverit, eadem iterum vergente non possit denuo in Magistrum Generalem assumi, sed expectari debet sequens ipsius Magistratus vicissitudo.

2. Sex autem annos prędictos mobiles, & Ecclesiasticos intelligimus videlicet a Sabbato in Sabbatum ante Dominicam Pentecostes, vel a Sabbato in Sabbatum ante tertiam Dominicam Octobris, quę non eodem mense, vel die contingunt, unde si Capitulum Generale pręcedens celebratum fuerit Sabbato ante Dominicam Pentecostes, hoc eodem Sabbato sex post annis subsequens Capitulum habendum sit absque dubio. Si vero ob vacationem Magistratus ante sexennium expletum (ut infra constituitur) pręcedens Capitulum celebratum sit Sabbato ante Dominicam tertiam Octobris sequens in ipsum recidat post sexennium. Quod si ob eandem causam Capitulum habeatur Sabbato ante Pentecostem Capitulum immediate succedens pariter post sex annos finiatur in ipso.

3. Et quamvis aliquando (ut inferius etiam ordinatur) ad Sabbatum ante Dominicam Trinitatis, vel quartam Octobris transferatur, non propterea futurum proxime Capitulum (extra casum quo hac translatio octava dierum statuitur) a prędictis Sabbatis ante Dominicam Pentecostes, aut tertiam Octobris amoveatur, sed in ipsam redire pręcipimus.

4. Ad hoc autem Capitulum Generale (exceptis casibus vacationis Magistratus inferius assignandis, omnes ejus vocales pręsentis Constitutionis jure convocamus, itaut vi illius omnes censęantur convocati ad unum ex prędictis Sabbatis, eo pręcisę quod expleatur sexennium, atque adeo teneantur accedere ad domum pro eo celebrando in proxime Superiori Capitulo designatam, nihilominus Magister Generalis poterit suas literas convocatorias ad eos opportuno tempore mittere juxta consuetudinem Religionis. Quod quidem prestare tenebitur Vicarius Generalis Ordinis, qui in ejus locum Magistratu qualibet ratione vacante successerit in suis sęper literis causam vacationis declarando. Cęterum si Magister justę sit impeditus, & nequeat ad celebrationem Capituli Generalis accedere, Pręsentemque in illo nominaverit (quod dicimus in eo casu Vicarium Magistrum) nullam is ha-

beat potestatem convocandi, sed per se id faciat Magister Generalis tempore superius declarato.

5. Quocumque autem sive Magistro, sive Vicario Generali Ordinis convocante, sive etiam jure tantum Constitutionis, convocatione facta, & supposita, ut pręmissum est, omnes vocales ad pręfatum generale Capitulum venire tenentur loco, & die, qui pręstituti fuerint, inspectis. Si qui vero noluerint, aut fuerint impediti legitime, jus eligendi maneat apud illos, qui pręsentem extiterint.

6. A die convocationis ad celebrationem Capituli, usque ad ejus Conclusionem, in quolibet Ordinis Monasterio fiat quotidie duplex ad Deum deprecatio pro felici ejus eventu, & pro prospero vocalium itinere. Post nonam itaque, vel Missam dicat Conventus Psalmum: *Ad te levavi animam meam, ut 5. Dist. 3. Cap. 15.*, quo peracto, Cantor incipiat: *Veni Sancte Spiritus &c.* & deinde *Kyrie eleison, Christe eleison, Kyrie eleison, Pater noster.*

Ÿ. Et ne nos inducas in tentationem.  
R. Sed libera nos a malo.  
Ÿ. Emitte Spiritum tuum, & creabuntur.  
R. Et renovabis faciem terrę.  
Ÿ. Salvos fac Servos tuos.  
R. Deus meus sperantes in te.  
Ÿ. Dominus vobiscum.  
R. Et cum Spiritu tuo.

## O R E M U S.

Deus qui corda fidelium Sancti Spiritus illustratione docuisti, da nobis in eodem Spiritu recta sapere, & de ejus sęper consolatione gaudere.

Adesto Domine supplicationibus nostris, & viam famulorum tuorum in salutis tuę prosperitate dispone, ut inter omnes vię, & vite hujus varietates tuo sęper protegantur auxilio. Per Christum Dominum nostrum &c.

## CAPUT II.

## De pręside Capituli Generalis, &amp; casibus, in quibus ejus celebratio mutatur.

1. Vivente Magistro Generali sui muneris est pręsidere Generali Capitulo, si per salutem, & expeditionem liceat, quod si morbo, vel alia justa causa ita fuerit impeditus, ut ipse per se Capitulo adesse non valeat, tunc pręsidem ad illud mittere posse decernimus, Fratrem utique nostri Ordinis idoneum, & prudentem, tantoque muneri exequendo literis, & auctoritate non disparem. Hunc autem Magister sub nomine sui Vicarii, & non Vicarii Generalis literis opportunis sigillo suo roboratis ad hunc tantum effectum pręsidendi constituat eum ea potestate quam declarabimus inferius.

2. Quoniam autem pręter hunc casum potest Magister Ordinis morte, promotione, renunciatione, aliisve causis ab officio deficere: consequens etiam est, ut ad novam ejus electionem in alios Pręsides incidamus, & diversis temporibus eveniat celebratio Capituli, providereque debeamus singulis.

3. Cum itaque futuris temporibus Magistratus Ordinis, per obitum, aut renunciationem, vel alias quovis modo vacare contigerit, si id ante quatuor menses proximos mense Penteco-



confirmationis illius, secus enim maneat Magisterio privatus. Præsentatus autem sive a Magistro, sive a Provinciali ad id jam pridem per se facultatem habentibus a Constitutione nostra ad gradum Baccalaurei eadem solemnitate promovetur. Ante promotionem vero suffragium non habeat in Capitulo Provinciali. Quam Constitutionem etiam ad Præsentatos de Pulpito extendimus nec non ad Magistros, & Præsentatos de gratia. Forma autem graduandi Magistrum est hujusmodi.

2. Forma graduandi Magistrum. Promotor habeat annulum, & pileum nigrum paratum, ac sedens expectet promovendum, qui flexis ad pedes Promotoris genibus interrogatur ab eo, quid petis, & respondeat humiliter. Peto promoveri ad gradum Doctoratus, & Magisterii S. Theologiae. Promotor. Promittis tenere, servare, docere, & defendere Doctrinam sanam, & Catholicam juxta determinationem Sanctæ Matris Ecclesiæ Romanæ. Promovendus. Promitto, & spondeo in hac forma.

3. Ego N. firma fide credo, & profiteor omnia, & singula, quæ continentur in Symbolo Fidei, quo S. Romana Ecclesia utitur, videlicet Credo in unum Deum, Patrem Omnipotentem, factorem Cæli, & Terræ visibilium omnium, & invisibilium, & in unum Dominum Jesum Christum filium Dei unigenitum, & ex Patre natum ante omnia sæcula, Deum de Deo, lumen de lumine, Deum verum de Deo vero; genitum non factum consubstantialem Patri, per quem omnia facta sunt. Qui propter nos homines, & propter nostram salutem descendit de Cælis, & Incarnatus est de Spiritu Sancto ex Maria Virgine, & homo factus est. Crucifixus etiam pro nobis, sub Pontio Pilato passus, & sepultus est, & resurrexit tertia die secundum Scripturas, & ascendit in Cælum sedet ad dexteram Patris, & iterum venturus est cum gloria judicare vivos, & mortuos, cujus Regni non erit finis. Et in Spiritum Sanctum Dominum, & vivificantem, qui ex Patre filioque procedit. Qui cum Patre, & filio simul adoratur, & conglorificatur, qui locutus est per Prophetas. Et unam Sanctam Catholicam, & Apostolicam Ecclesiam. Consteo unum Baptisma in remissionem peccatorum. Et expecto resurrectionem mortuorum, & vitam venturi sæculi. Amen. Apostolicas, & Ecclesiasticas traditiones, reliquasque ejusdem Ecclesiæ observationes, & constitutiones firmissime, admitto, & amplector. Item Sacram Scripturam juxta eum sensum, quem tenuit, & tenet Sancta Mater Ecclesia, cujus est judicare de vero sensu, & interpretatione Sacram Scripturam admitto, nec eam unquam nisi juxta unanimem consensum Patrum accipiam, & interpretabor. Profiteor quoque septem esse vere, & proprie Sacramenta novæ Legis a Jesu Christo Domino Nostro instituta, atque ad salutem humani generis, licet non omnia singulis necessaria: scilicet Baptisma, Confirmationem, Eucharistiam, Pœnitentiam, extremam Unctionem, Ordinem, & Matrimonium; illa quoque gratiam conferre, & ex his Baptisma, Confirmationem, & Ordinem, sine sacrilegio reiterari non posse. Receptos quoque, & approbatos Ecclesiæ Catholicæ Ritus in supradictorum omnium Sacramentorum solemnè administratione recipio, & admitto. Omnia, & singula, quæ de peccato

Originali, & justificatione in Sacrosancta Tridentina Synodo definita, & declarata fuerunt, amplector, & recipio. Profiteor pariter in missa offerri Deo verum, & proprium, & propitiatorium sacrificium pro vivis, & Defunctis, atque Sanctissimo Eucharistiæ Sacramento esse vere, realiter, & substantialiter corpus, & sanguinem una cum anima, & Divinitate Domini Nostri Jesu Christi, fierique conversionem totius substantiæ panis in corpus, & totius substantiæ vini in sanguinem, quam conversionem Ecclesia Catholica *Transubstantiationem* appellat. Fateor etiam sub altera tantum specie totum atque integrum Christum, verumque sacramentum summi constantiter teneo. Purgatorium esse, animasque ibi detentas fidelium suffragiis curari. Similiter, & Sanctos una cum Christo regnantes venerandos, atque invocandos esse, eosque orationes Deo pro nobis offerre, atque eorum reliquias esse venerandas firmiter assero. Imagines Christi, & Deiparæ semper virginis, necnon aliorum sanctorum, habendas, & retinendas esse atque eis debitum honorem, atque venerationem impertiendam. Indulgentiarum etiam, potestatem a Christo in Ecclesia relictam fuisse, illarumque usum Christiano Populo maxime salutarem esse assero. Sanctam Catholicam, & Apostolicam Romanam Ecclesiam omnium Ecclesiarum Matrem, & Magistram agnosco, Romanoque Pontifici Beati Petri Apostolorum Principis successori, ac Jesu Christi Vicario veram obedientiam spondeo, ac juro. Cetera item omnia a sacris Canonibus, & Œcumenicis Conciliis, ac præcipue a Sacros. Synodo Tridentina tradita, definita, & declarata indubitanter recipio, atque profiteor, simulque contraria omnia atque hæreses quascumque ab Ecclesia damnatas, rejectas, & anathematizatas ego pariter damno, rejicio, & anathematizo. Hanc veram Catholicam Fidem, extra quam nemo salvus esse potest, quam in præsentem sponte profiteor, & veraciter teneo, eandem integram, & inviolatam usque ad extremum vitæ spiritum constantissime Deo adjuvante retinere, & consistere, atque a meis subditis, seu illis quorum cura ad me in munere meo spectabit teneri, doceri, & prædicari, quantum in me erit, curaturum. Ego idem N. spondeo, voveo, & juro, sic me Deus adjuvet, & hæc Sancta Dei Evangelia. Item juro quod quatenus per Sanctam Sedem Apostolicam licebit tenebo, tuebor, defendam, prædicabo, atque docebo Animam Beatissimæ Virginis Mariæ in primo instanti suæ creationis, & infusionis in corpus, præveniente Spiritu Sancti gratia, intuitu meritorum Jesu Christi Redemptoris, a peccato Originali reservatam, & immunem fuisse, & in hoc sensu festum Conceptionis ejus ab Ecclesia celebrari.

*Promotor dicat.*  
Quoniam sapientiam vocasti amicam, & amator factus formæ illius quaesisti eam tibi sponsam assumere, ecce Deus dat tibi eam sponsam, ut semper tecum sit, & cor tuum possideat. In signum ergo accipe annulum in manu tua, Accipe inquam annulum in signum fœderis, & ingenuitatis verum. Et ego auctoritate Apostolica per literas nostri Reverendissimi Patris Generalis mihi commissas, instituo, creo, facio te Doctorem, & Magistrum in S. Theologia, doque tibi potestatem, & facultatem publice legendi, docendi, & interpretandi, exponendi, & de-

& declarandi Sacram Theologiam: In Nomine Patris, & Filii, & Spiritus Sancti.

Deinde fergat, & faciat promovendum sedere in sua sella dicens: Promoveo te ad gradum Magisterii S. Theologiae annumerans te consortio Doctorum, & Magistrorum dictæ facultatis: ita collocet, & sedere te faciat Dominus cum Principibus, ut solum Gloriæ teneas.

Deinde imponit Pileum, seu Biretum capiti ejus dicens. Accipe Pileum, seu Biretum nigrum cum flosculo candido in signum Magisterii, sic ornent te Deus corona Gloriæ. Deinde elevet, & dans ei osculum dicat: Ecce odor filii mei, sicut odor agri pleni, crescere te faciat Dominus in millibus, & benedicat tibi in sæcula sæculorum. Amen.

*Forma graduandi Baccalaureum.*

Promovendus flexis genibus ante Magistrum Generalem, vel Provinciale suum faciat Professionem Fidei, ut supra, qua finita dicat Promotor: Ego Auctoritate Apostolica mihi commissa promoveo te ad gradum Baccalaurei S. Theologiae tanquam benemeritum, & valde condignum.

### C A P U T V I I I .

*De Prædicatoribus.*

1. Ut autem munus prædicationis in Religione fulgeat, & simul Fratres habiles instituantur ad hujusmodi exercitium. Idcirco decernimus, ut nemo ad illud assumatur, nisi per duos saltem annos Sacram Theologiam audierit, ac Diaconatus Ordine initiatus existat. Cum vero eligendus sit a Provinciali (ad quem attinet) semper id fiat præmissis rigoroso examine coram ipso, & examinatoribus Conventus, cui Provincialis adfuerit, & in sensibus Sacre Scripturæ, Fideique Mysteriis exacte probetur instructus. Sine hoc vero examine nullus audeat munus prædicationis exercere, neque sine licentiis Superiorum, juxta Concilii Tridentini decretum.

2. In quolibet conventu duos Prædicatorum Conventuales admittimus, & non amplius, qui huic labori, cum merito, & jure ad præmium infra designatum incumbant. Quod si plures instituantur nominationes posteriorum inanes omnino reddimus, quantum ad jura merendi. Illis ergo præcipua sit cura prædicare per loca ditionis suæ ad possendas, & colligendas Eleemosynas pro captivis, cum literis tamen patentibus suorum Provincialium. In quo labore per duodecim annos exerceri debeant, itaut illis non reputetur ad gradum, nec suppleri valeant aliis meritis, nisi vere, & integre hujusmodi officium perquam diligenter expleverint modo, & forma, hic, & superius *Dist. 2. Cap. 2.* præscriptis. Præter hoc insuper eos teneri volumus, ut conciones Conventus, juxta ordinem, & dispositionem Commendatoris habeant, & conscientie casum alterne proponant, & resolvant quotidie ab initio Adventus Ordinis usque ad Dominicam Trinitatis.

3. Qui vero actu in hoc prædicationis munere laboraverint gaudeant exemptionibus ab officio Chori, & Altaris a Matutinis media nocte dicendis, & Prima: insuper missam unam pro se celebrare possunt ultra concessam a Constitutione. Et tandem completis duodecim annis prædicationis immunes etiam ab officio Hebdo-

domadæ declaramus, non tamen a residentia Chori, quam eos de cetero integre sectari præcipimus.

4. Cum pro his, qui præfata prædicationis officium compleverint sex Præsentaturas jam pridem Ordo instituerit, in qualibet Provincia eas neminem posse obtinere decernimus, nisi peractis, ut jam præmissum est duodecim annis in prædicationis exercitio, præviaque informatione de illis ab ipso Provinciali, seu Visitatore facta, sub eisdem forma, & tempore annorumque nullitate in Capitulo præsentanda, quæ superius de lectorum informationibus decernuntur. Diffinitorium vero Capituli jus habeat privativum eas approbandi, ac etiam exponendi Prædicatores ad prædictos gradus, & hanc quoque facultatem cedendi Magistro, sicut in gradibus de lectura sancimus.

5. Ipsi vero Prædicatoribus jam graduatis, easdem immunitates, indulta, & privilegia concedimus, quibus gaudent omnes Præsentati de lectura, vocemque similiter activam, vel passivam in Capitulo Provinciali, & in electione Diffinitorium Provincialium, & Diffinitorium, Electorum Generalium, & ceteris actibus Capituli præterquam in ejus Diffinitorio, nisi ad illud aliunde pertineat.

### C A P U T I X .

*De Confessionibus, & Confessariis.*

1. Per professionem literarum eo maxime ducimur, ut discamus scientiam Sanctorum, mysticamque Theologiam, qua in poenitentia foro doctores animarum efficiunt, & lepram a lepra discernimus. Unde eam in confessariis nostris sufficientiam desiderantes, quæ decet Ministros Christi, & dispensatores mysteriorum Dei, firmiter stabilimus, ut nullus Frater in Ordine nostro confessiones audiat secularium, neque fratrem alterius Ordinis, nisi prius a Magistro vel Provinciali fuerit approbatus, quibus enixe constitimus, ut ad munus hujusmodi eos tantum fratres eligant, qui literis, vita, & sanctitate fuerint commendabiles, præter has autem licentias ab Ordine, nullus Frater confessiones secularium audire præsumat, nisi illam etiam obtineat a Diocesano, vel ejus Vicario, vel ab alio cui hujusmodi confessiones audiendi jure possit facultatem, vel curam animarum injungere. Caveant autem dicti confessarii, ne aliquid a poenitentibus exigant, imo neque suscipiant, illud Evangelii adimplentes: gratis accipitis, gratis date.

2. Quilibet Commendator in sua commenda idoneos Fratres assignet, & satis sibi probatos, qui aliorum Fratrum confessiones audiant, omnes tamen conventuales teneantur suis Commendatoribus ad minus semel in anno confiteri, & ab ipso communionem suscipere in missa solemnè ferri quintæ majoris hebdomadæ.

3. Fratres autem, sive conventuales, sive hospites in Conventu commorantes, nullis aliis confessariis confiteantur, nisi tantum illis, quos pro conventu Prælati designaverint. Extra conventum vero, & ubicumque nostrorum confessariorum copiam non habuerint, confiteri poterunt extraneis confessariis a suis respective Superioribus approbatis.



res eveniat Capitulum Generale in Vigilia hujus Paschatis celebretur. Si autem prædictus obitus Magistri, vel alia vacatio ( ut præmittitur ) succedat intra tempus dictorum quatuor mensium ante perfectum Pascha, tunc celebratio Capituli Generalis ad Sabbatum ante Dominicam tertiam Octobris ejusdem anni differatur, quam scilicet non usualem, sed Ecclesiasticam intelligimus.

4. Similiter si prædicta vacatio Magistratus acciderit ante quatuor menses proximos d. Sabbato tertiae Dominicæ Octobris Capitulum Generale in eo Sabbato dictæ Dominicæ tertiæ celebretur. Si autem intra tempus ipsorum quatuor mensium ante dictam Dominicam tertiam Octobris obveniat, tunc ad Sabbatum, seu vigiliam Pentecostes anni immediate sequentis transferatur, itaut celebratio Capitulum Generalium, & electio Magistri semper in Sabbato, & non alia die instituantur, aut fiat.

5. Unde in hunc finem, & pro majori declaratione hujus nostræ Constitutionis statuimus, ut si a vacatione Magistratus, usque ad vigiliam Pentecostes, plus quatuor mensibus intercedat, itaut ante dictam vigiliam isti quatuor menses expleantur, præfata vigilia habeatur Capitulum, similiter si quatuor prædicti menses finiantur ante Sabbatum Dominicæ tertiæ Octobris, non aliud Sabbatum expectabit electio, sed fiet in ipso.

6. Attamen si a vacatione Magistratus usque ad vigiliam Pentecostes, vel ab ipsa vacatione, usque ad Sabbatum tertiæ Dominicæ Octobris, ita pene quatuor menses interveniant, ut statim post dictam vigiliam, aut Sabbatum compleantur, videlicet intra sequentem hebdomadam, & ante Dominicam Trinitatis, vel quartam Octobris. Tunc celebratio Capituli Generalis transeat respective ad hæc Sabbata ante Dominicam Trinitatis, vel quartam Octobris, & non ultra, ne propter paucissimos dies, ita longe Magistri prorogetur electio.

7. Interea vero donec Magister eligatur, cum ad Priorem Barchinonæ, vel ejus defectu ad alios inferius suo ordine declarandos successioni religionis gubernio pertineat, quicumque tamen ille fuerit. Succedit etiam cum omnimoda facultate convocandi, & præsidendi Capitulo Generali usque ad ipsam electionem inclusive, & non amplius, sicut accidit etiam in præsentia ipsius Magistri.

8. Declaramus autem, ut omnis tollatur ambiguitas, quod quotiescumque vacaverit Magistratus Ordinis intra quatuor ultimos sexennii menses, etiam si paucissimi dies deficiant, Capitulum Generale celebretur Sabbato, quo sexennium concluditur, itaut Vicariatus Generalis amplius durare non valeat, quam illis præcedentibus, aut intervallo, quod deest, usque ad Conclusionem sexennii, & dictam celebrationem Capituli, quod a præfixo tempore divelli nequeat, nec Vicariatus ultra sexennium procedere.

9. Post electionem vero statim, ac noviter electus fuerit canonice declaratus, ac in vero Magistrum a Capitulo susceptus, si præfens sit jam de cætero transit in illum præsentiam munus in universis Diffinitoriis, & actibus, tam publicis, quam privatis ipsius Capituli si vero abfuerit; idem Præfens electionis, omnibus præ-

fatis actibus præfideat modo decreta a Diffinitorio facta a Magistro electo postea confirmantur.

10. Quod si durante Capitulo præ aliqua invaletudine Magister electus, nequeat præfere actibus, & Diffinitoriis Capituli, cujus est ipse Caput, & pars præcipua, tunc illi fas erit, aliquem de vocalibus ad hanc præsentiam eligere, & in illum transferre omnem suæ vocis auctoritatem pro singulis in Diffinitorio, & reliquis actibus decernendis. Cum tamen eligatur fiat authentice, itaut de singulis actibus electionibus, & Decretis Diffinitorii, vel Capituli essent, & Canonice facta, & non tamquam a corpore, aut Diffinitorio acephalo processisse in libro Ordinis, & ubique constare valeat.

11. Si autem casus adveniat, quod ex temporale obitu Generalis electi ante absolutionem Capituli, nova electio Magistri fieri debeat in ipso Capitulo juxta inferius ordinanda: Tunc huic electioni semper præfideat Prior Barchinonensis, tamquam revera Vicarius Generalis, in hac etiam, est brevissima vacatione a Constitutionibus postulat, cui si fuerit absens, aut alioquin impeditus, suo ordine succedat, quos infra præfenti Constitutione decernimus.

### CAPUT III.

#### De eligentibus, & eligendis in Capitulo Generali.

1. Cum Magister Generalis quia prima in Ordine dignitas jus habeat præsidendi Generali Capitulo, idcirco primum locum, & vocem semper obtineat in electione Magistri, universisque actibus totius Capituli electionem præcedentibus in omnibus insuper præfata electionem consequentibus vocem fortietur; id ipsum quoque concedimus in Vicarium Generalem Ordinis, vel Capituli, Præfideat illi succedenti.

2. Rursus eos, qui in Ordine nostro munus Magistri Generalis obierint, ita præfenti Constitutione, ad præfatum Generale Capitulum convocamus, ut absolute, ad illud accedere valeant, & vocem electivam, & decisivam habeant in omnibus sicut quilibet ex Diffinitoriis, & Electoribus Capituli, locumque Magistro Generali, & Præfidi immediatum ante omnes Provinciales.

3. In qualibet Provincia quinque sint vocales, qui Votum, & suffragium habeant in Capitulo Generali Provincialis, & quatuor sibi Socii post ejus electionem in Capitulo Provinciali canonice electi, quorum duos Diffinitores, alios vero electorum Generalium titulo gaudere constituimus. Ex his autem omnibus primum locum habeant Provinciales, deinde Diffinitores Generales, quos subsequantur Electores, juxta antiquitatem Provinciarum.

4. Vocales insuper, quos Electores Generales dicimus, tantum habeant vocem, & suffragium in actibus pleni Capituli, scilicet in qualificatione vocalium ante electionem, & in ipsa electione Magistri, & designatione domus Capitularis, non autem in aliis Congregationibus, quas Diffinitorium, ad differentiam Capituli nuncupamus.

5. Prior autem Barchinonensis, etiam si non sit Vicarius Generalis, neque præfideat Capitulo, vocem habet, non solum in electionibus illius, sed etiam in Diffinitoriis subsequentibus, & locum post Provinciales, Vicarioque Pro-

vin-

vinciales immediatum, vocem tamen in omnibus ante illos omnes obtineat.

6. Deinde, qui in Romana Curia, strenue, & cum approbatione communi in Officio Procuratoris Generalis se gesserint per quinquennium, seu Magistri, seu solius præfentaturæ gradu præfulgeant, vocem habent in Capitulo Generali proxime celebrando dumtaxat, & non tantum in electionibus pleni Capituli, verum etiam in omnibus ejus Diffinitoriis usque ad absolutionem, & finem ipsius, ex Decreto Capituli Generalis Optensis a SS.D.N. Innocentio XI. confirmato.

7. Cum temporibus opportunis, & casibus a Constitutione nostra prævisis, & ordinatis possit in defectu alicujus de prædictis Electoribus, aut Diffinitoribus, novus alius vera, & Canonica electione a Diffinitorio Provinciali substitui, super hoc ipso declaramus juxta decreta præfentis Capituli Generalis Optensis hanc substitutionem solum esse intelligendam, & posse fieri aliquo ex prædictis suffragis certo, & determinate vacare contigerit in electu, non autem ob solam contingentiam, vel casum quo forte, in itinere, aut in ipso Capitulo quovis modo impediri possit aut deficiere. Quod ut immutabiliter impleatur, & non ita late via pateat multiplicandi suffragia, nec pluribus, quam par est, temere, & sine causa determinata adire Capitulum liceat, præfenti Constitutione præcipimus, nullum Electorem, aut vocalem, in locum alterius subrogatum posse de cætero admitti in Generali Capitulo ad aliquem ejus actum, nisi exhibito semper, & realiter præfentato authentico testimonio in ipsa sui creatione a Diffinitorio Provinciali concedendo prout inferius in hac ipsa distinctione cap. 22. ordinatur, quo evidenter constat de defectu determinato, & legitimo impedimento illius, qui ad talem vocem habendam in Capitulo Generali electus fuerit in suæ Provincie Provinciali Capitulo.

8. Quantum vero ad eligendos eos qui vocem passivam habeant in Congregatione Generali, statuimus primo ad Magistrum Generalem non quoscumque de ordine esse semper habiles, sed inter ejus Provincias, & Regna, sequentem servandam fore alternativam, ita videlicet, ut semel sit ex tota Corona Aragonie, Gallie, Italie, Regnique Navarra: semel vero ex tota Corona Castellæ, & Portugallie, inclusis Provinciis Vandalie, & Indiarum Occidentalium, ac etiam Orientalium Congregatione, seu domibus.

9. Quod quidem intelligendum est de filiis dictarum Provinciarum, seu Congregationum, aut domorum, qui in eisdem vere professionem emiserint, nec sola adoptione sint filii. Hujusmodi enim nullatenus tali alternativa gaudere posse declaramus, nisi tantum in concurrentia earum Provinciarum, Congregationum, aut domorum, ubi primam, & veram filiationem habuerint.

10. Hæc ergo, quæ de Electoribus, & eligendis ordinavimus sic esse firma desideravimus, & sic stabiles eorum voces, ut tam activa, quam passiva privari, aut destitui non valeant a Vicario Generali Ordinis toto tempore vacationis Magistratus, ut amplius declarabitur inferius. Quod si ratione alicujus delicti, vel ob alias causas aliquis de prædictis eo tempore appareat active, vel passive inhabilis, & suffragandi actione

ex tunc jure communi, vel harum Constitutionum carere videatur, res deferatur ad Capitulum Generale, ubi accurate discussa, decidatur.

11. Si autem Magister Generalis electus mortem obierit ante absolutionem ejusdem Capituli, ubi creatus extitit, non ideo judicamus expletam, & evacuatam alternativam suæ partis, & Provinciarum, quin imo secundum eandem nova fieri debet electio Magistri ex personis ejusdem partis, & Provinciarum. Unde in hoc casu, nullam vacationem Magistratus contingere declaramus, itaut Ordo expectare debeat officium Vicarii Generalis per menses quatuor, aut amplius.

12. Ex dictis ergo Provinciis, quæ juxta ordinem præfate alternativæ actualem sortem, & concursum habeant in Capitulo Generali unus Frater de universa eorum ditione, vel ambitu eligendus est a Capitalibus, sive præfens, sive absens sit a Capitulo, in quo nihil aliud considerare debent, nisi quod ætate sit maturus, & sensibus, doctrina, & Religione præclarus, morum suavitatem acceptabilis, disciplina regularis amator, & in arte gubernandi, jam probatus diligens Zelator, & prudens.

13. Post celebratam electionem Magistri, eligantur etiam in eodem Capitulo per Diffinitorium Generale, Vicarii Generales Indiarum, & Procurator Generalis Urbis, & quos oporteat constitui pro rebus totius Ordinis in Curis regum, juxta modum, & formam inferius in hac distinctione Cap. 9. & 10. designandam in eodem denique pleno Capitulo eligatur Domus pro celebratione Capituli Generalis proxime succedentis cum alternatione, & qualitatibus in hujus Dist. Cap. 11. statuendis.

### CAPUT IV.

#### De electione Magistri Generalis, & forma in illa servanda.

1. Instrueto Capitulo, vocales omnes, quos jam in vigilia electionis, vel Sabbati, supponimus Domum Capitalarem ingressos juxta inferius Cap. 8. ordinanda in ipsam sono Campanæ conveniant, communiterque procedant ad obedientiam Præfidi exhibendam, quos ille benigne suscipiat, & opportuno tempore Vicarium Capituli sub hoc nomine instituat, qui jurisdictionem ordinariam habeat supra omnes capitulares, & alios Fratres ad Capitulum concurrentes. Talis autem Vicarius eligendus est ex vocalibus illius Provincie, in qua celebratur Capitulum Generale, vir quidem industrius, providus, & pacificus.

2. Eadem autem die, & vigilia sub Vesperum congregentur capitaliter prædicti Vocales a Præfide juxta morem, & factis commemoratione, & precibus pro SS.D.N. Papa, pro felici statu, & incrementis Ecclesie, pro Regibus Catholicis, pro Benefactoribus Ordinis, & fidelibus captivis, vivis, atque defunctis, prout superius Dist. 3. Cap. 15. de Capitulo quotidiano ordinatur, electionis Præfens, Patribus Electoribus brevem, & piam orationem faciat quæ, & de sine convocationis differat, & ad electionem Magistri Generalis secundum Deum, & canonice peragendam hortetur, ac simul de meritis eligendi, & qua debet præfere virtute, prudentia, Doctrina,



na, & zelo observantia regularis eos ferventer admoneat.

3. Hac vero oratione peracta ad examen Vocalium, & legitimas eorum voces canonicè discutendas procedat, & primo per formalem obedientiam, & excommunicationis majoris poenam, ter illis præcipiat; ut si quis aliquem Vocalium legitimo impedimento, vel censura Ecclesiastica innodatum in Capitulo adesse cognoverit ratione cujus in electione suffragari non liceat, confestim prodatur, & nullatenus latere sustineat. Quod si aliquis reperitur, vel censura Ecclesiastica, vel alio impedimento juris, nostrarumve Constitutionum inhabilis, idque sufficienter probetur facta de eo accurata discussione a Capitulo Generali ab ipso decidatur, & declaratur, & e Capitulo protinus ejiciatur, itaut in hac prima Congregatione, aut sessione, sic maneant Vocales de suæ vocis legitimitate justo examine comprobati, ut ad futuram, die sequenti, electionem sub certo numero statuatur.

4. Sequenti die primo diluculo, & ad auroram omnes Vocales legitima voce ad electionem suscepti in Capitulum locum convenient, ibique a Vicario Conventus includantur, quibus locum electionis ingressis celebratur in eo Missa de Spiritu Sancto (quam etiam in toto Ordine, eademque die, & hora cantari præcipimus) ut post illam concio literalis ad Electores latino sermone habeatur hortando eos ad rectam, & bono communi utilem electionem, qua firmiter flexis genibus concinatur Hymnus: *Veni Creator Spiritus*, & eo cantato surgat Præses, & dicat: *Emitte Spiritum tuum &c.*

## O R E M U S.

Deus qui corda fidelium Sancti Spiritus illustratione docuisti, da nobis in eodem Spiritu recta sapere, & de ejus semper consolatione gaudere. Per Dominum nostrum &c., & sic ulterius ad sequentia procedatur.

5. Magister Generalis, seu qui ejus defectu præsideat similiter, ut pridie sub formali præcepto, & poena excommunicationis moneat excommunicatos, suspensos, & interdictos, vel alioquin suffragium, & vocem legitimam non habentes (si qui sint in præfato conclavi, aut quos adesse cognoverit) ut illico recedant, vel prodantur, cum de jure interesse non valeant; quo circa illis protestari debet non esse de mente ipsius aliquem illorum admittere. Si autem occulte se ingererint nolumus eorum voces, sive suffragia approbare, aut per eas electioni canonicæ derogare, seu quovis modo inferri præjudicium.

6. His itaque præmissis omnes electores adjurari debent a Præsede singulatim per Deum, & ejus Sancta Evangelia suis manibus tacta in hanc formam: Juras, quod secundum Deum, & propriam conscientiam, ac in Anima tuæ periculum eliges in Magistrum Ordinis, Fratrem, quem revera regulari observantia, & publicæ utilitati judicaveris meliorem, & magis idoneum regimini: Elector vero dicit: juro? quo juramento peracto omnes etiam singulatim accedunt ad mensam in qua erit coram Præsede vas aliquod præparatum, & secreto in illum schedulas injiciant, quas quidem, tam in hac, quam alia qualibet electione canonicè faciendâ non teneantur Electores a Secretario Capitulari petere, sed

ipsi eas infra, vel extra Capitulum ad proprium nutum valeant conscribere prout maluerint. Si autem intra Capitulum aliquis Elector ita langueat, ut nequeat electioni assistere; Capitulum nominet duos Vocales, qui ad Cellam ejus advenientes, accipiant ab eo suffragium clausum, & signatum, illudque ad Capitulum deferant, & eodem secreto in vase reponant.

7. Postquam omnes vota sua, & suffragia in vas præfatum immiserint, tunc Præses Capituli cum duobus Diffinitoribus ex toto Capitulo dignioribus coram secretario vota, & singulas schedulas scrutentur, & computent: an vocalium numero coæquantur. Tunc autem si major pars medietate eligentium in aliquo Fratre convenierit, scrutinium, & electio publicetur ut Canonica a prædicto Secretario Capituli, qui fidem de omnibus præstabit in scriptis.

8. Is autem Secretarius, vel Notarius hujusmodi Capituli semper debet eligi ex Fratribus nostri Ordinis, & nullatenus secularis, præfatio prius secreti, & fidelitatis Juramento, cujus quidem muneris est fidem reddere, & authentice literis consignare universa electionis acta, & quæcumque gerantur & decernantur in Capitulo.

9. Si vero major pars eligentium (ut prædicatur) in uno Fratre non conveniat, secundo, tertio, si fuerit opus ad nova suffragia, & scrutinia procedatur, donec major pars medietate eligentium in unum conveniat, & electio fiat Canonica: quod si intra duos dies non elegerint, præcipimus in virtute obedientiæ Commendatori domus, vel ejus Vicario, ut panis, & aqua tantum electoribus ministraretur, donec Magistrum Generalem eligant, ex se ipsis, aut aliis absentibus nostri Ordinis, juxta alternativas Superiorem capite declaratas.

10. Ut autem in electionibus, quæ a majori parte Capituli fiunt, omnis incertitudo validitatis evitetur, decernimus, quod si eligatur religiosus extra gremium Capituli sufficiat pro majori parte numerus suffragiorum excedens partem alteram in una, ut ex quadraginta uno, vel quadraginta viginti unum. Et si eligatur Religiosus de gremio Capituli, tunc ad certitudinem validitatis necessarium sit aliud suffragium, ut ex quadraginta uno, vel quadraginta viginti duo.

11. Si autem in aliqua schedula inveniatur scrutatores subscriptionem aliquam, vel signum, quibus persona eligentis innotescat, vel si nihil in ea sit scriptum aut suffragium inepto tribuatur, non ideo præjudicium patiat electio, si alioquin sufficienti suffragiorum numero facta sit, ut prædicatur, sed talis schedula subscripta, signata, vel alba, seu in favorem inepti reposita separetur, & pro suffragio cassato, vel potius deposito reputetur, & solum habeatur ratio reliquarum ad scrutandum numerum Canonice electioni sufficientem, juxta majorem partem eligentium.

12. Cum autem inter scrutandum aliqua, forte, vel plures inveniatur schedula supra numerum vocalium, scrutinium inane reputamus, atque adeo relicto priori ut penitus cassato ad aliud procedatur; denique vero cum jam legitima evadat electio omnes schedulae coram toto Capitulo protinus comburantur.

13. His itaque peractis, & publicata electione, per Secretarium Capituli statim antequam

novus

novus Magister obedientiam suscipiat a Capitulo, debet coram Præsede, & Electoribus, Secretarioque prædicto per Deum, & Crucem, & ejus Sancta Evangelia suis manibus tacta, Juramentum facere de sequentibus. Præses interroget. Juras, quod secundum Deum, & propriam conscientiam, & Constitutiones nostri Ordinis ipsum reges, & moderaberis, omni odio, & amore postpositis? Electus vero respondeat: Juro. Præses iterum: Juras, quod Ordinis instituta, & constitutiones ejus servabis, ac servari facies, & ea pariter exequeris, quæ pro provinciæ Ordinis a tuis prædecessoribus approbata, & reservata fuerunt? respondeat Electus: Juro. Præses adhuc: Juras, quod fideliter, & omni studio exequeris, quæ ad Redemptionem Captivorum pertinent, nec in aliquo juxta Constitutiones hujusmodi prædictæ Redemptionis bona, quovis colore, vel pretextu in propriis, vel alios usus convertes, aut converti permittes? respondeat Electus: Juro. Præses autem: Juras, quod omnia bona Ordinis tibi credenda fideliter attrahabis, & de illis, & quibuscumque aliis ad Ordinem pertinentibus, & tuæ dispositioni committendis semper in Capitulo exactam rationem reddes? Electus vero: Juro. Præses tandem: Juras, quod observabis capita concordia inite cum nostra familia Discalceata, circa ministerium Redemptionis pro ut in ea continetur? Electus respondeat: Juro.

14. Hæc est forma Juramenti perpetuo, & inviolabiliter a Magistro Generali Electo præstandi, qui si omnia, vel prædictorum quidquam jurare recusaverit, electio sit nulla, nec ipse pro Magistro Generali suscipiatur. Si vero juraverit, omnes confestim ad illum accedant, & genuflexi humiliter obedientiam exhibeant, quo facto incipiatur Hymnus: *Te Deum laudamus*, & procedatur ad Ecclesiam locorum ordine servato pro ut in Capitulo, cujus tamen Præsidi Magister electus adhaerebit ad extra, & ubi accesserit ad Altare, ibi prosternatur, & Præses electionis dicat.

- Y. Salvum fac servum tuum Domine.
- R. Deus meus sperantem in te.
- Y. Dominus vobiscum.
- R. Et cum spiritu tuo.

## O R E M U S.

Concede quæsumus omnipotens Deus, ut famulum tuum, quem ad regimen animarum elegimus dono tuæ gratiæ prosequaris, ut te largiente cum ipsa tibi nostra electione placeamus.

Deus qui corda fidelium Sancti Spiritus illustratione docuisti, da nobis in eodem spiritu recta sapere, & de ejus semper consolatione gaudere.

Concede nos famulos tuos quæsumus Domine Deus perpetua mentis, & corporis sanitate gaudere, & Gloriosa Beatae Mariæ semper Virginis intercessione a præfati liberari tristitia, & æterna per sui lætitia. Per Christum &c.

Quibus ita finitis ducitur Magister electus ad Chorum ibique in sede sua se commendat orationibus Fratrum, & populo publicatur electio.

15. Tandem ergo de consensu Magistrum electi, & Capituli constituantur Procurator, vel Procuratores qui prædictam electionem Pontifici Maximo exhibeant, ut illam approbare, & confirmare dignetur, quippe cui Ordo noster est immediate subiectus. Si quis vero hujusmodi

electioni rite, & recte (ut præmittitur) facta ausus fuerit contradicere, vel obstare, vel ab ea quomodolibet appellare, illum præfati Constitutione excommunicamus & suffragium tam in vita, quam in morte, & officiis in Ordine nostro perpetuo privamus.

16. Magister Generalis, qui præfato modo Canonice electus fuerit, suum statim officium, exercere incipiat sub titulo Generalis electi, sitque caput, & Præfatus Generalissimus in toto Ordine, cui omnes Provinciales, atque eorum Provinciae, cum omnibus, & singulis totius Ordinis Fratribus obtemperare teneantur. Postquam vero a Sede Apostolica fuerit confirmatus palam id notum faciat, & denunciaret suis Provinciis, ac deinceps absolute nomine, & titulo Magistrum Generalis utatur.

## CAPUT V.

De officio, & potestate Magistrum Generalis.

1. Generalis Magister universalem habeat potestatem in toto Ordine, illam videlicet, quæ supremis Præfatis cujuslibet Ordinis est de jure communi, vel privilegiis concessa, & in posterum concedenda ad omnia, quæ ex peculiari statuto nostri Ordinis non sunt illi prohibita, & ad Curam, seu administrationem totius Ordinis, tam spiritualiter, quam temporaliter exercendam. Unde per se solum in omnibus, & singulis eam potestatem habeat in toto Ordine, quam Provincialis in sua Provincia, & Commendator, seu Præfatus quisque localis in sua Commenda, vel domo. Insuper eam, quæ ad rationem sui officii, ex jure communi, aut privilegio, ex nostris Constitutionibus expectare potest. Veruntamen inferiorum Prælatorum ministerio non se immisceat, nisi ob eorumdem defectum, vel cum prudentia, & rationabili causa id postulerit, semper tamen inferiores illi parere teneantur.

2. Cum igitur ipsi incumbat, tamquam Generali Pastori, & Antifati Ordinem visitare, & proprias oves cognoscere, propterea ipsius conscientia consulendo præcipimus in Domino, ut in utroque triennio, totum Ordinem, & omnia illius Monasteria, per se, vel idoneos Fratres (si ipse non valeat) omni studio visitare non desinat. In sua autem visitatione se omnibus justum, & mitem exhibeat, ac regularis observantia amatorem, nunc verbo, nunc baculo; vel ferrea etiam virga corripens si necesse fuerit, itaut omnes sibi subditos quantum sit possibile in bonam frugem, & severam Ordinis disciplinam inducat.

3. Omnimodam autem potestatem habeat modificandi rationabiliter, & ex causa ut superius præmittitur poenas hac Constitutione infligat, exceptis tamen casibus ab ea præfixis.

4. Ipsius insuper est potestatis gradus Ordinis confirmare ac reliqua per se exequi, quæ olim agebantur in Capitulo Generali intermedio juxta Pauli V., & Urbani VIII. Decreta, quibus equidem insistentes præfatum Generale Capitulum intermedium de cætero celebrari omnino prohibemus.

5. Ad eum etiam privative pertinet adoptiones, & filiationes Fratrum unius Provinciae, aliam constituere; si quæ autem Commendæ vacaverint in Provincia ubi reperitur potest eas pro

libito



libito conferre, dum tamen Provincialis ejusdem Provinciae Commendatorem prius non elegerit. Unde inter ipsos super hoc in praedicto casu praevencionis jura constituimus. Similiter in Provincia, cui Magistrum adesse contigerit; si Diffinitorium Provinciae habendum sit illud convocare potest, & ei pariter praesidere, atque habere suffragium in electione Prioris Barchinonensis, si electionis tempore in ea domo fuerit inventus, non dissimilem potestatem habere decernimus ut convocet, & praesideat, pariterque vocem habeat.

6. Ad Magistrum quoque private attinet sententiam expulsionis ferre iudice in criminofos, incorrigibiles ea forma, quam superius declaravimus.

7. Item Magister Generalis debet apud se habere duo sigilla, videlicet magnum, & parvum, in quorum primo sit incisa Imago revelationis Ordinis cum ejusdem scuto, & stemmatibus istoque versiculo; per lumbum: *Redemptionem misit Dominus Populo suo*. In secundo autem sint tantum praedicta Religionis stemmata, quo ut vere minori utatur in rebus minoribus, illo vero in majoribus tantum, quae pro rei maiestate sic possulant ad perpetuamque rei memoriam subjiciuntur, ut in fine omnium literarum suarum, seu scripturarum testimonialium anno Domini, apponat etiam annum suadationis Ordinis his verbis. *A descensu vero, & apparitione Beatissima, & Immaculatae Virginis Mariae ad Fundationem nostri Ordinis anno N.*, quam pariter ab universis aliis Praelatis observari praecipimus, ut antiqua Ordinis consuetudo ab ipsius limine inducta non pereat, tantaeque Matris dignationi istud, vel levissimum obsequium deferamus.

8. Magister Generalis potest ulterius praesidere Capitulis Generalibus, & Provincialibus per se ipsum, vel suum Vicarium ad id ab eo specialiter deputatum, & vocem quidem habeat, tam ipse, quam ejus Vicarius in omnibus electionibus, ordinationibus, & Diffinitoriis, usque ad absolutionem utriusque Capituli.

9. Properante jam tempore electionis Provincialis, poterit ipse Magister convocare ad celebrationem Capituli Provincialis, mittendo immediate suas literas ipsi Provinciali, qui illas continuo manifestet Capitulariter Conventui ubi adesse contigerit; ipsas vero deinde mittat illico ad omnes alios Conventus, ut cunctis vocalibus innotescant.

10. Ulterius in concurrentia Capitulorum Provincialium potest Magister quodlibet eorum antepone, vel postponere per tres menses, a complemento triennii, ut uni, & alteri interesse possit, dummodo nullum a die Sabbati distrahatur. Quod etiam praestare valeat, quamvis non sit concurrentia Capitulorum, sed unicuique dumtaxat celebrandum, si alioquin sibi visum fuerit expedire. Ultra tamen dictos tres menses non possit Magister Generalis Capitula Provincialia antepone, nec postponere.

11. Adhuc ad Magistrum pertinebit, ut vere Ordinis Patrem si praesens fuerit electionibus electores dirigere, eos modeste, pie, & religiose monendo, hortando, & instruendo, atque etiam vage suadendo ad eligendum personam digniorum, & magis idoneam ipsius, ut cumque virtutes regimini necessarias Capituli differendo. Si autem non interfuerit id ipsum per literas ad

Capitulum, seu electores missas eadem charitate, quae nunquam agit perperam praestare licebit.

12. Quod si Electores in Provinciali Capitulo congregati intra tres dies a primo exclusive ad electionem designatam de persona eligenda non convenerint, vel electio non sit facta juxta Sacros Canones, Constitutiones, & Decreta Ordinis, atque adeo sit iure cassanda, tunc jus eligendi Provinciale devolvitur in Magistrum, qui illum confestim eligere teneatur.

13. Magister Generalis debet etiam confirmare electionem Vicarii Generalis nostrae recollectionis (si fuerit Canonica) intra dies 15. a primo praesentationis & Patres praedictae familiae intra tres menses a die electionis tenentur praesentare illam Magistro Generali pro ejus confirmatione obtinenda ex concordia inter utramque familiam a Gregorio XV. confirmata.

14. Similiter debet electiones Provincialium rite factas confirmare, vel defectum earum ostendere, atque etiam Prioris Barchinonensis si sit quoque Canonice celebrata, in qua tamen si Conventuales de persona eligenda non convenerint intra mensem jus eligendi devolvitur in Generalem Magistrum, qui Vicarios Provinciales in quibusdam casibus inferius cap. 15. hujus dist. exprimens creare possit sicuti, & in Provincia, quae ob Provincialis decessum regitur per Vicarium Provinciale ab eo relicto designare Vicarium Generalem, quem pro nulla extra hunc casum Provincia nominare valeat. Hinc tamen excipimus Hispaniae, Galliae, Italiaeque Provincias. Dicto namque Magistro in Hispania residenti potestatem facimus, ut pro Gallia, & Italia Vicarios Generales instituat. Dum vero in Gallia commoretur, vel Italia eandem facultatem habeat ad eligendum Vicarium Generalem pro Hispania.

15. Licet jure Constitutionis pristinae Magister Generalis de aliquibus dispensare possit cum Fratribus, illis interdum concedendo nonnullas exemptiones, gratias, & immunitates, nihilominus tamen quia plura, & ingentia damna ex hac liberalitate provenire compertum est, eam in posterum praedicto Magistro interdiximus, eique solum permittimus declarare Fratres aliquos illis immunitatibus, & exemptionibus gaudere, quae solent appellari reales, & quibus ratione officii, gradus, vel antiquitatis, quadraginta annorum in ordine gaudere possunt juxta Constitutiones hujusmodi, & Decreta Pontificum, seu Capitulorum Generalium.

16. Pro expensis autem sui muneris, & pro vestitiis, aliisque sumptibus Ordinis singulae Provinciae teneantur singulis annis praefato Magistro persolvere eam pecuniarum quantitatem, quae pro earum diversitate, & facultate fuerit a consuetudine stabilita cum approbatione Generalis Capituli, ita tamen ut si plus, si minus nulla Provincia, vel etiam Congregatio, seu vice Provincia excludatur a solutione praedicta.

17. Sciat autem Magister Generalis, quod circa hujusmodi Religionis bona meram ei tantum administrationis potestatem concedimus intra Ordinem supra iis quae ad bonum Ordinis spectant, eaque ideo ut communia, non vero, ut privata respiciat; nullaque insuper ratione, aut praetextu, bona Provincialibus, Commendato-

atoribus, aut quibuscumque Fratribus ad usum concessa sibi quomodolibet determinet, vel assumat. Imo reddituum omnium oppidi de Algar, & quarumcumque contributionum, tam pro vestitiis praedictis, quam alioquin sibi concessarum in Capitulo Generali proximo futuro, vel si ante illud deserat officium Provinciali, & Diffinitorio Provinciae, ubi repertus fuerit rationem reddere teneatur, ita ut animalia, quae officio deseruiunt cum pecuniis, aliisque rebus ad illud pertinentibus, iisque post redditum rationem supervenerint novo Magistro electo resignet pro usibus sui muneris, vel dicto Provinciali, & Diffinitorio tradat, qui ea Magistro eligendo custodiant.

18. Super omnia vero ipsius interest pro viribus laborare, ut in omnibus redemptio Captivorum ferventer exerceatur a Fratribus, eisque elemosynae omni studio colligantur, fideliterque serventur, ita videlicet, ut suis temporibus sic omnes integrae fidelium liberationi proficiant, quod nulla ratione, aut praetextu cujuscumque privilegii aliquam, vel minimam partem aliis, quibuscumque usibus applicet, seu applicari permittat.

19. Qua de re omnem ignorantiam propellere desiderantes ipsi Magistro, ut universis Praelatis Ordinis, eisque Fratribus strictissime, & sub excommunicationis sententia ipso facto incurrenda praecipimus, ut enixe observent & observare faciant Decretum, & statutum editum in Capitulo Generali Barchinonae anno 1520. ob aliquorumque ignorantiam, aut dubia saepe in succedentibus confirmatum, & expresse declaratum, pro ut nunc expresse reproducimus, & declaramus circa renuntiationem, seu potius non admissionem cujusdam tunc recentis Bullae Sanctissimi Leonis X. de anno 1516. & ejusdem confirmationis a Clemente VII. de anno 1525. quantum ad usum bonorum Redemptionis indifferentium, ita ut quaecumque ab ipsis concessa facultas praedicto Magistro, vel Ordini circa distractionem alicujus partis illorum nunquam censetur admitti, imo quam primum, & saepius, ut praedicitur ab ipsis Magistro, & Ordine renunciata, neque tunc in ejus praesentatione, aut aliquando suscepta, sicut eam, ut talem nunc iterum declaramus, & juxta pristinam Constitutionem nostram nullatenus a praefato Magistro, vel quibuscumque aliis exequendam sub praedictis poenis, & omnibus aliis superius dist. 2. cap. 3. latis ubi cuncta circa praedictas elemosynas non alio distrahendas prohibita juxta praesentem declarationem, & Decreta superius memorata esse, & fuisse semper intelligenda denunciamus.

20. Pro his ergo Magister debet impensius omnia quantum liceat impedimenta superare, ut Capitulo Generali, ac etiam Provincialibus semper intersit, ubi praedictis maxime, & aliis, quae ad bonum Ordinis attinent ad oculum valeat providere, ne gregibus sibi traditis propter sui absentiam in Capitulis minus diligenter a reliquis eorum pastoribus consulatur.

21. Ulterius Provincis magis desolatis, vel minus sibi sufficientibus debet esse favorabilior in concedendis Fratribus idoneis, & utilibus, siue ad legendum, siue ad predicandum, siue ad alia Ordinis obeunda negotia, juxta utilitatem Ordinis, aut Fratrum transferendorum, vel etiam Provinciae, a qua, vel ad quam translatio hu-

jusmodi fuerit facienda; nunquam tamen sub hujus facultatis praetextu Fratrem aliquem traducat de vocalibus unius Provinciae in aliam, intra duos menses ante Capitulum Provinciale, illius a qua dimittitur. Quod nec alio tempore faciat, nisi rationabiliter urgeat. Contentiones quoque (si quae fuerint inter Provincias) debet prudenter dirimere, & a mutuis eas injuriis, & vexationibus praeservare.

22. Magistri Generales post impletum officium maneat ipso facto Magistri de numero in qualibet totius Ordinis Provincia, ubi reperiantur in omnibus Capitulis, tam Generalibus, quam Provincialibus, eorumque Diffinitoriis extra, vel intra Capitulum celebrandis vocem habeant decisivam & electivam in omnibus, honorem paternitatis reverentissimae non amittant, post Praelatum Conventus locum semper obtinent immediatum, ubicumque voluerint Conventualitatem possunt eligere de licentia Magistrum, & ibidem socium penitus ab omni Conventus onere liberum illis dare praecipimus, in reliquis gaudent omnibus privilegiis, & exemptionibus quibuscumque aliis a Constitutione concessis, ita ut juxta supremam dignitatem praeteritam amplior eis honor deferatur in singulis.

## CAPUT VI.

*De successione in Vicarium Generalem Ordinis vacante sede Magistri, & de potestate illius*

1. Ut haec successio clarior in singulis eventibus statuatur primo & ante omnia decernimus Magistrum Generalem posse ubique, & quovis tempore renunciare Magistratum per se, vel Procuratorem, eorum tamen Provinciali, & electoribus. ac Diffinitoribus Generalibus ejus Provinciae cui adesse contigerit. Qua renuntiatione facta, & authentico testimonio per secretarium Ordinis attestata, ex tunc protinus sedem Magistri vacare, & ad illum, qui jure harum Constitutionum sit Vicarius Generalis in Ordine, totum ejus regimen devolvi, perpetuo stabilimus. Cum autem Magister Generalis ad aliquam Ecclesiam, seu Episcopatum eveniat promovendi, non statim sedes Magistri vacua censetur, nec successorem ad officium Vicarii Generalis vocatum illud posse confestim assumere, quousque de praconizatione in Consistorio Romano, & confirmatione a SS. authentico liqueat testimonio.

2. Adhuc sedes Magistri vacare potest, vel per decessum, privationem, aliasve causas de jure praemissas, quacumque autem eveniente, sic successorem ejus constituimus: Cum Prior nostri Conventus Barchinonensis, siue sit confirmatus, siue non confirmatus semper esse debeat caput, & Vicarius Generalis totius Ordinis, quoties Magistro videtur, & sedes vere vacaverit: id circo decernimus, ut quacumque ex praedictis causis vacare contigerit, Commendator domus, ubi evenerit (si tamen Provincialis ejus Provinciae non adsit, cui praesenti actionem istam deferimus) nuntium specialem auctoritate & industria praesentem instituat cum authentico testimonio a Secretario deficientis Magistri recepto de veritate, & causa vacantis, & illum primo mittat ad praefatum Priorem Barchinonensem, ut illud ipsi, si quoque Conventui notum faciat, ac nomine totius Ordinis in successorem inducat.